

UPUTSTVO

O OSTVARIVANJU PRAVA NA NAKNADU NOVČANIH SREDSTAVA UTROŠENIH ZA POSTUPAK ASISTIRANA REPRODUKCIJE /VANTJELESNE OPLODNJE

• **DEFINICIJA**

Pod procedurom asistirane reprodukcije / vantjelesne oplodnje (u daljem tekstu: asistirana reprodukcija) podrazumijeva se:

- a) uspostavljanje indikacije,
- b) postupak stimulacije (terapija),
- c) postupak asistirane reprodukcije.

• **FINANSIJSKA SREDSTVA**

U skladu sa Finansijskim planom Fonda zdravstvenog osiguranja Brčko distrikta BiH (u daljem tekstu: Fond) predviđeno je finansiranje projekta asistirane reprodukcije na tetet sredstava Fonda kao poseban projekat pomoći osiguranim licima koji zbog objektivnih okolnosti duži vremenski period nisu u mogućnosti postati roditelji prirodnim putem.

Osiguranim licima kojima Fond finansira prvi postupak asistirane reprodukcije, odobrava se iznos do **6.000,00 KM**, dok se za drugi postupak na teret sredstava Fonda odobrava iznos do **5.000,00 KM**, na teret sredstava Fonda.

Fond zdravstvenog osiguranja Brčko distrikta BiH, počev od 01.11.2018. godine, finansira treći pokušaj asistirane reprodukcije u skladu sa Odlukom Vlade Brčko distrikta BiH o odobravanju programa utroška sredstava za dodjelu subvencije Fondu zdravstvenog osiguranja Brčko distrikta BiH za finansiranje trećeg pokušaja vještačke oplodnje, broj: 13-002566/18 od 22.10.2018. godine.

Uslovi i kriterijumi koje osigurana lica moraju ispunjavati su identični uslovima po kojima Fond finansira prvi i drugi pokušaj asistirane reprodukcije, osim što je dobna granica osiguranog lica ženskog pola za finansiranje trećeg pokušaja utvrđena do navršenih 45 godina života i što pravo na finansiranje trećeg pokušaja ostvaruju parovi koji su prethodno prošli dva pokušaja asistirane reprodukcije, koji se finansiraju na teret sredstava Fonda.

Novčani iznos za finansiranje trećeg pokušaja asistirane reprodukcije identičan je iznosu do kojeg se finansira drugi pokušaj (5.000,00 KM).

• **REALIZACIJA PROJEKTA**

Pravo na finansiranje asistirane reprodukcije se ostvaruje refundacijom utrošenih novčanih sredstava do odobrenog iznosa, uz dokazivanje ispunjenosti medicinskih i nemedicinskih kriterijuma.

U cilju realizacije navedenog projekta, Fond je utvrdio uslove i postupak za ostvarivanje prava na finansiranje asistirane reprodukcije. Propisani su medicinski i nemedicinski kriterijumi, kao i način ostvarivanja prava.6

▪ **Medicinski kriterijumi i dokumenti kojima se dokazuje ispunjenost istih :**

- ✓ žena koja se liječi od neplodnosti (dokazuje se nalazom i mišljenjem ginekologa),
- ✓ žena do napunjene 42 godine života ,
- ✓ utvrđene dijagnoze i stanja:
 - 1) endometrioza (dokazuje se nalazom ginekologa uz HSG ili laparoskopskim nalazom o neprohodnosti jednog ili oba jajovoda);
 - 2) operativni zahvat na jajnicima sa posljedičnim gubitkom funkcije jajnika (dokazuje se otpusnom listom iz zdravstvene ustanove);

- 3) preležana pelvična inflamatorna bolest sa posljedičnom neprohodnošću jednog ili oba jajovoda (dokazuje se HSG nalazom ili laparoskopskim nalazom);
- 4) oštećena prohodnost jajovoda uz loš kvalitet sperme (dokazuje se HSG nalazom, spermogramom i nalazom urologa);
- 5) svi oblici subfertilnosti muškarca uz postojanje živih ili morfološki ispravnih spermatozoida u ejakulatu (dokazuje se spermogramom i nalazom urologa);
- 6) idiopatska neplodnost (dokazuje se medicinskom dokumentacijom o najmanje tri inseminacije na ginekološko - porođajnom odjeljenju Bolnice u Brčko distriktu BiH ili o jednoj inseminaciji u specijalizovanoj ustanovi sa laboratorijskom pripremom sperme).

▪ **Nemedicinski kriterijumi i dokumenti kojima se dokazuje ispunjenost istih:**

- ✓ da je podnosilac zahtjeva žena, koja ima status osiguranog lica Fonda najmanje dvanaest (12) mjeseci neprekidno prije dana podnošenja zahtjeva (dokazuje se kopijom zdravstvene knjižice i uvidom u službeni evidenciju Fonda);
- ✓ da se radi o bračnoj ili vanbračnoj zajednici u trajanju više od (2) dvije godine (dokazuje se kopijom vjenčanog lista za bračnu zajednicu ili ovjerenom izjavom partnera za vanbračnu zajednicu).

• **POSTUPAK RJEŠAVANJA PO ZAHTJEVU OSIGURANIH LICA**

Fond će po zahtjevu osiguranog lica za naknadu utrošenih sredstava, koji sadrži svu potrebnu dokumentaciju, donijeti rješenje o učešću Fonda u troškovima postupka asistiranje reprodukcije.

Uz zahtjev za nadoknadu utrošenih novčanih sredstava za finansiranje postupka asistiranje reprodukcije potrebno je priložiti sljedeću dokumentaciju:

- ✓ **mišljenje ordinirajućeg ljekara** (ljekara specijaliste ginekologa ili **ljekara specijaliste urologa**);
- ✓ **konzilijarno mišljenje nadležnog odjeljenja** (ginekološkog, a u slučaju muškog steriliteta i urološkog) JZU "Zdravstveni centar Brčko" Brčko distrikt BiH o ispunjenosti medicinskih kriterijuma;
- ✓ **medicinsku dokumentaciju kojom se dokazuje da je izvršen postupak** asistiranje reprodukcije, nakon utvrđivanja propisanih medicinskih kriterijuma;
- ✓ **originalne račune kojima se dokazuje da je izvršeno plaćanje** usluge asistiranje reprodukcije, a koji glase na ime žene - podnosioca zahtjeva;
- ✓ **dokument sa naznačenim brojem žiro – računa** na ime žene – podnosioca zahtjeva;
- ✓ kopiju vjenčanog lista za bračnu zajednicu ili ovjerenu izjavu partnera za vanbračnu zajednicu;
- ✓ kopiju zdravstvene knjižice;

Finansiranje projekta se vrši samo po jednom zahtjevu, ukoliko isti bude podnešen **u roku od šest mjeseci** od dana izvršene asistiranje reprodukcije (embriotransfer).

Fond finansira projekat asistiranje reprodukcije **maksimalno dva puta na teret sredstava Fonda i jedanput na teret sredstava Vlade Brčko distrikta BiH** za jedan bračni par, odnosno par koji živi u vanbračnoj zajednici.

Da bi se osiguranom licu utvrdilo pravo na naknadu novčanih sredstava na ime troškova za asistiranu reprodukciju, podnosilac zahtjeva mora imati status osiguranog lica Fonda i **uplaćene propisane doprinose za zdravstveno osiguranje**.